

浙江文叢

劉宗周全集

〔第八冊〕

浙江出版聯合集團
浙江古籍出版社

浙江文叢

劉宗周全集

〔第八冊〕
補遺下

浙江出版聯合集團
浙江古籍出版社

吳光 主編
何俊 點校
黃宣民 審校
鍾彩鈞 審校
徐儒宗 審校

補遺三 孔子家語考次 三卷

卷一 家語補集（凡二篇）

表記（小戴記）

子言之：「歸乎！君子隱而顯，不矜而莊，不厲而威，不言而信。」

子曰：「君子不失足於人，不失色於人，不失口於人。是故君子貌足畏（二）也，色足懾也，言足信也。」
甫刑曰：『敬忌而罔有擇言在躬。』」

子曰：「楊襲之不相因也，欲民之毋相瀆也。」

子曰：「祭極敬，不繼之以樂；朝極辨，不繼之以倦。」

子曰：「君子慎以辟禍，篤以不揜，恭以遠恥。」

子曰：「君子莊敬日強，安肆日偷。君子不以一日使其躬儻焉（三），如不終日。」

子曰：「齊戒以事鬼神（三），擇日月以見君，恐民之不敬也。」

子曰：「狎侮死焉而不畏也。」

子曰：「無辭不相接也，無禮不相見也，欲民之毋相褻也。」易曰：『初筮告，再三瀆，瀆則不告。』

子言之：「仁者，天下之表也；義者，天下之制也。報者，天下之利也。」

子曰：「以德報德，則民有所勸；以怨報怨，則民有所懲。」詩曰：『無言不讎（四），無德不報。』太甲曰：『民非后無能胥以寧，后非民無以辟四方。』

子曰：「以德報怨，則寬身之仁也；以怨報德，則刑戮之民也。」

子曰：「無欲而好仁者，無畏而惡不仁者，天下一人而已矣。是故君子議道自己，而置法以民。」

子曰：「仁有三，與仁同功而異情；與仁同功，其仁未可知也；與仁同過，然後其仁可知也。仁者安仁，知者利仁，畏罪者強仁。仁者，右也；道者，左也。仁者，人也；道者，義也。厚於仁者薄於義，親而不尊；厚於義者薄於仁，尊而不親。道有至，有義，有考（五）。至道以王，義道以霸，考道以爲無失。」

子言之：「仁有數，義有長短大小。中心憫怛，愛人之仁也。率法而強之，資仁者也。」詩云：『豐水有芑，武王豈不仕？』詒厥孫謀，以燕翼子（六）。『數世之仁也。』國風曰：『我今不閱，皇恤我後。』終身之仁也。」

子曰：「仁之爲器重，其爲道遠，舉者莫能勝也，行者莫能致也。取數多者仁也，夫勉於仁

者，不亦難乎！是故君子以義度人，則難爲仁^{〔七〕}；以人望人，則賢者可知已矣。」

子曰：「中心安仁者，天下一人而已矣。」^{〔八〕}大雅曰：『德輶如毛，民鮮克舉之。我儀圖之，惟仲山甫舉之，愛莫助之。』^{〔九〕}小雅曰：『高山仰止，景行行止。』子曰：「詩之好^{〔八〕}仁如此，鄉道而行，中道而廢。忘身之老也，不知年數之不足也，俛焉日有孳孳，斃而後已。」

子曰：「仁之難成久矣，人人失其所好，故仁者之過易辭也。」

子曰：「恭近禮，儉近仁，信近情，敬讓以行，此雖有過，其不甚矣。夫恭寡過，情可信，儉易容也。以此失之者，不亦鮮乎！」

子曰：「仁之難成久矣，唯君子能之。是故君子不以其^{〔九〕}所能者病人，不以人之所不能者愧人。是故聖人之制行也，不制以己，使民有所勸勉愧恥以行其言。禮以節之，信以結之，容貌以文之，衣服以移之，朋友以極之，欲民之有一^{〔十〕}也。」^{〔十〕}小雅曰：『不愧於人，不畏^{〔十二〕}於天。』是故君子服其服則文以君子之容，有其容則文以君子之辭，遂其辭則實以君子之德。是故^{〔十三〕}君子恥服其服而無其容，恥有其容而無其辭，恥有其辭而無其德，恥有其德^{〔十三〕}而無其行。是故君子衰絰則有哀色，端冕則有敬色，甲冑則有不可辱之色。^{〔十四〕}詩云：『維鵜在梁，不濡其翼。彼記之子，不稱其服。』

子言之：「君子之^{〔十四〕}所謂義者，貴賤皆有事於天下。天子親耕，粢盛秬鬯，以事上帝，故諸侯勤以輔事於天子。」

子曰：「下之事上也，雖有庇民之大德，不敢有君民之心。仁之厚也。是故君子恭儉以求役仁，信讓以求役禮，不自尚其事，不自尊其身，儉於位而寡於欲。讓於賢，卑己而尊人，小心而畏義，求以事君，得之自是，不得自是，以聽天命。」詩云：『莫莫葛藟，施於條枚。』凱弟君子，求福不回。』其舜、禹、文王、周公之謂與！有君民之大德，有事君之小心。」詩云：『惟此文王，小心翼翼。昭事上帝，聿懷多福。厥德不回，以受方國。』」

子曰：「先王謚以尊名，節以一〔十五〕惠，恥名之浮於行也。是故君子不自大其事，不自尚其功，以求處情；過行弗率，以求處厚；彰人之善而美人之功，以求下賢。是故君子雖自卑而民敬尊之。」

子曰：「后稷，天下之爲烈也，豈一手一足哉？唯欲行之浮於名也，故自謂使人。」

子言之：「君子之所謂仁者，其難乎？」詩云：『凱弟君子，民之父母。』凱以強教之，弟以說安之。樂而毋荒，有禮而親，威莊而安，孝慈而敬。使民有父之尊，有母之親。如此而后可以爲民父母矣。非至德其孰能如此乎？今父之親子也，親賢而下無能；母之親子也，賢則親之，無能則憐之。母親而不尊，父尊而不親。水之於民也，親而不尊；火尊而不親。土之於民也，親而不尊；天尊而不親。命之於民也，親而不尊；鬼尊而不親。」

子曰：「夏道尊命，事鬼敬神而遠之，近人而忠焉。先祿而後威，先賞而後罰，親而不尊。其民之敝：蠹而愚，喬而野，朴而不文。殷人尊神，率民以事神，先鬼而後禮，先罰而後賞，尊而

不親。其民之敝：蕩而不靜，勝而無恥。周人尊禮尚施，事鬼敬神而遠之，近人而忠焉。其賞罰用爵列，親而不尊。其民之敝：利而巧，文而不慚，賊而蔽。」

子曰：「夏道未瀆辭，不求備，不大望於民，民未厭其親。殷人未瀆禮而求備於民。周人強民，未瀆神而賞爵〔十六〕刑罰窮矣。」

子曰：「虞、夏之道，寡怨於民；殷、周之道，不勝其敝〔十七〕。」

子曰：「虞、夏之質，殷、周之文，至矣。虞、夏之文，不勝其質；殷、周之質，不勝其文〔十八〕。」

子言之曰：「後世雖〔十九〕有作者，虞帝弗可及也已矣。君天下，生無私，死不厚其子，子民如父母，有憐怛之愛，有忠利之教；親而尊，安而敬，威而愛，富而有禮，惠而能散，其君子尊仁畏義，恥費輕實〔二十〕，『德威〔二十一〕惟威，德明惟明。』非虞帝其孰能如此乎？」

子言之：「事君能〔二十二〕資其言，拜自獻其身，以成其信。君〔二十三〕有責於其臣，臣有死於其言，故其受祿不誣，其受罪益〔二十四〕寡。」

子曰：「事君大言人則望大利，小言人則望小利。故君子不以小言受大祿，不以大言受小祿。」
易曰：『不家食，吉。』

子曰：「事君不下達，不尚辭，非其人弗自。」
小雅曰：『靖共爾位，正直是與。神之聽之，式穀以女。』

子曰：「事君遠而諫則調也，近而不諫則尸利也。」

子曰：「邇臣守和，宰正百官，大臣慮四方。」

子曰：「事君欲諫不欲陳。」詩云：「心乎愛矣，瑕不謂矣，中心藏之，何日忘之？」

子曰：「事君難進而易退則位有序，易進而難退則亂也。故君子三揖而進，一辭而退，以遠亂也。」

子曰：「事君三違而不出竟，則利祿也。人雖曰不要，吾弗信也。」

子曰：「事君慎始而敬終。」

子曰：「事君可貴可賤，可富可貧，可生可殺，而不可使爲亂。」

子曰：「事君，軍旅不辟_(二十五)難，朝廷不辭賤；處其位而不履其事，則亂也。故君使其臣，得志則慎慮而從之，否則孰慮而從之，終事而退，臣之厚也。」易曰：「不事王侯，高尚其事。」

子曰：「唯天子受命於天，士受命於君。故君命順，則臣有順命；君命逆，則臣有逆命。」詩曰：「鵠之姜姜，鵠之賁賁，人之無良，我以爲君。」

子曰：「君子不以辭盡人，故天下有道則行有枝葉，天下無道則辭有枝葉。是故君子於有喪者之側，不能賻焉，則不問其所費；於有病者之側，不能饋焉，則不問其所欲；有客不能館，則不問其所舍。故君子之接如水，小人之接如醴。君子淡以成，小人甘以壞。」小雅曰：

『盜言孔甘，亂是用餗。』」

子曰：「君子不以口譽人，則民作忠。」故君子問人之寒則衣之，問人之饑則食之，稱人之善則爵之。國風曰：『心之憂矣，於我歸說。』」

子曰：「口惠而實不至，怨菑及其身。是故君子與其有諾責也，寧有己怨。國風曰：『言笑晏晏，信誓旦旦，不思其反。反是不思，亦已焉哉。』」

子曰：「君子不以色親人，情疏而貌親，在小人則穿窬之盜也與！」

子曰：「情欲信，辭欲巧。」

子言之：「昔三代明王皆事天下〔二十六〕之神明，無非卜筮之用，不敢以其私褻事上帝。是故〔二十七〕不犯日月，不違卜筮，卜筮不相襲也。大事有時日，小事無時日，有筮，外事用剛日，內事用柔日，不違龜筮。」

子曰：「牲牷，禮樂齊盛，是以無害乎鬼神，無怨乎百姓。」

子曰：「后稷之祀易富也，其辭恭，其欲儉，其祿及子孫。」詩曰：『后稷兆祀，庶無罪悔，以迄於今。』」

子曰：「大人之器威敬。天子無筮，諸侯有守筮。天子道以筮。諸侯非其國，不以筮。卜筮〔二十八〕寢室，天子不卜處太廟。」

子曰：「君子敬則用祭器。是以不廢日月，不違龜筮，以敬事其君長；是以上不瀆於民，

下不褻於上。」

雜記（小戴記）

校勘記

〔一〕「畏」，底本作「威」，據禮記注疏改。

〔二〕「焉」，底本作「然」，據禮記注疏改。

〔三〕「神」字底本脫，據禮記注疏補。

〔四〕「讎」，底本作「酬」，據禮記注疏改。

〔五〕「尊而不親」四字據禮記注疏補。「道有至，有義，有考」，禮記注疏作「道有至，義有考」。鄭注云：

「此讀當言『道有至，有義，有考』，字脫一『有』耳。」戴山從鄭氏。

〔六〕禮記注疏「子」下有「武王烝哉」句。

〔七〕「仁」，禮記注疏作「人」。

〔八〕「好」，底本作「爲」，據禮記注疏改。

〔九〕「其」字底本脫，據禮記注疏補。

〔十〕「一」，禮記注疏作「壹」。

〔十一〕「畏」，底本作「愧」，據禮記注疏改。

〔十二〕「故」，底本作「以」，據禮記注疏改。

〔十三〕「德」，底本作「行」，據禮記注疏改。

〔十四〕「之」字底本脫，據禮記注疏補。

〔十五〕「一」，禮記注疏作「壹」。

〔十六〕「爵」，底本作「罰」，據禮記注疏改。

〔十七〕「敝」，底本作「蔽」，據禮記注疏改。

〔十八〕「其文」二字底本缺，據禮記注疏補。

〔十九〕「雖」字底本缺，據禮記注疏補。

〔二十〕禮記注疏下有「忠而不犯，義而順，文而靜，寬而有辨。」甫刑曰「句。」

〔二十一〕「德威」，底本作「忠而」，據禮記注疏改。

〔二十二〕「能」，禮記注疏作「先」。

〔二十三〕「君」上禮記注疏有「是故」字。

〔二十四〕「益」，底本作「亦」，據禮記注疏改。

〔二十五〕「辟」，底本作「避」，據禮記注疏改。

〔二十六〕「下」，禮記注疏作「地」。

〔二十七〕「故」，底本作「以」，據禮記注疏改。

〔二十八〕「筮」，禮記注疏作「宅」。

補遺三 孔子家語考次

卷二 家語外集（即大戴記餘篇凡七篇）

千乘

子曰：「不仁國不化。」

公曰：「何如之謂仁？」

子曰：「不淫於色。」

子曰：「立妃設如太廟然，乃中治。中治不相陵，不相陵斯庶孺章，章則事上靜，靜斯潔信（一）。立子設如（二）宗社。宗社先示威，威明顯見，辨爵集德，是以母弟官子咸有臣志，莫敢援於外大夫，中婦私謁不行。卿設如大門，大門顯美，小大尊卑中度，開明閉幽，內祿出災，以順天道。卿設如四體，毋易事，毋假名，毋重食。凡事，尚賢進能使知事，爵不世，能之不愆。凡民，戴名以能，食力以時，成以事立。此所以使民讓也。民咸孝弟而安讓，此以怨省而亂不作也。太古食壯之食，攻老之事。」

公曰：「功事不作，而餼糧不多乎？」

子曰：「太古之民，秀長以壽者，食也；在今之民，羸醜以瘠者，事也。太古無游民，食節事時。民各安其居，樂其宮室，服事信上，上下交信，地移民在。今之世上治不平，民治不和，百姓不安其居，不樂其宮。老疾用財，壯狡用力，於茲民游；薄事貪食，於茲民憂。古者殷書，成男成女，名屬升於公門，此以氣食得節，作事得時，勸有功，夏服君事不及暍，冬服君事不及凍，是故年穀不成，天之饑饉，道無殍者。在今之世，男女屬散，名不升於公門，此以氣食不節，作事不成，天之饑饉，於時委民，不得以疾死。」

四代

公曰：「大節無廢，小眇其後乎？」

子曰：「否，不可後也。」詩云：『東有開明。』於時鷄三號，以興_(三)庶虞。庶虞動，蜚征作，嗇民執功，百草咸淳，地傾水流之。是以天子盛服朝日於東堂，以教敬示威於天下也。」

公曰：「吾未能知人，未能取人。」

子曰：「君何爲不觀器視才？」

公曰：「視可明乎？」

子曰：「可以表儀。」

公曰：「願學之。」

子曰：「平原大藪，瞻其草之高豐茂者，必有怪鳥獸居之，且草可財也。如艾而夷之，其地必宜五穀。高山多材^{〔四〕}，必有怪虎豹蕃孕焉。深淵大川，必有蛟^{〔五〕}龍焉。民亦如之，君察之，此可以見器見^{〔六〕}才矣。見才色修聲不視聞，怪物恪命不改志，舌不更氣，君見之舉也，得之取也^{〔七〕}，有事事也。事必與食，食必與位，無相越逾。昔虞舜天德嗣堯，取相十有六人如此。」

虞德

子曰：「高舉不過天，深慮不過地。天下之有道也，有天子存；國之有道也，君得其正；家不亂也，有仁父存。是故聖人之教於民也，以其近而見者，稽其遠而明者。」

子曰：「丘於君唯無言，言必盡，於他人則否。」

公曰：「教他人則如何？」

子曰：「否，丘則不能。昔商老彭及仲傀，政之教大夫，官之教士，技之教庶人，揚則抑，抑則揚，綴以德行，不任以言。庶人以言，猶以夏后氏之祔懷袍褐也，行不越境。」

誥志

子曰：「政以勝衆，非以陵衆；衆以勝事，非以傷事；事以靖民，非以徵民。故地廣而

民衆，非以爲災，長之祿也。丘聞周太史曰：『政不率天，下不由人，則凡事易壞而難成。』虞史伯夷曰：『明，孟也；幽，幼也。明幽，雌雄也。雌雄迭興而順至正之統也。』日歸于西，起明于東；月歸于東，起明于西。虞夏之曆，正建於孟春，於時冰泮，發蟄，百草權輿，瑞雉無釋，物乃歲俱生於東，以順四時，卒於冬萬〔八〕，於時鷄三號，卒明。載於青色，撫十二月，節卒於丑。日月成歲曆，再閏以順天道，此謂歲虞汁月。天曰作明，日與維天是戴；地曰作昌，日與惟地是事；人曰作樂，日與維民是嬉。民之動能，不遠厥事；民之悲色，不遠厥德。文王治以俟時〔九〕，湯治以伐亂，禹治以移衆，衆服以立天下。堯貴以樂治，時舉舜；舜治以德使力，在國統民如恕，在家撫官而國。仁者爲聖，貴次，力次，美次，射御次。古之治天下者必聖人。聖人有國，則日月不食，星辰不隕〔十〕，勃海不運，河不滿溢，川澤不竭，山不崩解，陵不施谷〔十二〕，川浴不處，深淵不涸。於時龍至不閉，鳳降忘翼，鸞獸忘攫，爪鳥忘距，蠱蠱不螫嬰兒，蟲虻不食禾駒。雖出服，河出圖，自上世以來，莫不降仁。國家之昌，國家之臧，信仁。是故不賞不罰，如民咸盡力，車不建戈，遠邇咸服，胤使來往，地賔畢極，無怨無惡，率惟懿德。此無空禮，無空名，賢人並憂，殘毒以時省，舉良良，舉善善，恤民使仁，日敦仁賓也。』

小辨

公曰：「寡人欲學小辨，以觀於政，其可乎？」（小辨爲小辨給也。）〔十二〕

子曰：「否，不可。社稷之主愛日，日不可得，學（不可輕有所學。）不可以辨，是故昔者先王學齊大道，以觀於政。天子學樂辨風，（別四方之風也。）制禮以行政；諸侯學禮辨官政，以行事，尊事天子；大夫學德別義，（別，猶辨也。）矜行以事君；士學順辨言以遂志；庶人聽長辨禁，農以行力。如此猶恐不濟，奈何其小辨乎？」

公曰：「不辨則何以爲政？」

子曰：「辨而不小。夫小辨破言，小言破義，小義破道。道小不通，通道不簡。（簡，約也，言約而有統。）

是故循弦以觀於樂，足以辨風矣。爾雅以觀於古，足以辨言矣。傳言以象，反舌皆至，可謂簡矣。夫道不簡則不行，不行則不樂。忠有九知：知忠必知中，（能內思自盡也。）知中（十三）必知恕，（能自盡知，故能知人。）知恕必知外，（內恕，故外能處於度物也。）知外（十四）必知德，知德必知政，知政必知官，知官必知事，知事必知患，知患必知備。」

用兵

公曰：「古之戎兵，何世安起？」

子曰：「傷害之生久矣，與民皆生。（人合五常之氣生，有喜則和親，怒則離害，其相害者，皆曰兵也。）」

公曰：「蚩尤作兵與？」

子曰：「否。蚩尤，庶人之貪者也，及利無義，不顧厥親，以喪厥身。蚩尤昏慾而無厭者也，何器之能作！蠱蜚挾螫而生見害，而校以衛厥身者也。（正教習于戈自衛身，非作者也。）人生有喜怒，故兵之作，與民皆生，聖人利用而彌^{〔十五〕}之，亂人興之喪厥身。校^{〔十六〕}德不塞，嗣武孫武子。（喪除其德，不以塞亂，而徒傳續武事於子孫者。）聖人愛百姓而憂海內，及後世之人，思其德必稱其人^{〔十七〕}，故今之道堯、舜、禹、湯、文、武者，猶威致王，今若存。夫民思其德，必稱其人，朝夕祝之，升聞皇天，上神歆焉。故永其世而豐其年也。夏桀、商紂羸暴於天下，暴及不辜，殺戮無罪，不祥於天，粒食之民，布散厥親^{〔十八〕}。（雖諸夏，能相養。）疏遠國老，幼色是與，而暴慢是親，讒貸處穀，（以財投長曰貸。穀，祿也。）法言法行處辟，（辟，罪辟也。）妖替天道，逆亂四時，禮樂不行，而幼風是御，（任童幼之人使專政。）曆失制，攝提失方，（攝提，左右六星與斗應相直。）鄒大無紀，不告朔於諸侯，玉瑞不行，諸侯力政，不朝於天子，六蠻、四夷交伐於中國。于是降之災，水旱臻焉，霜雪大滿，甘露不降，百草殤黃，五穀不升，民多天疾，六畜醉背，（背，病也。背，癭也。）此太上之不論不議也。（帝王之世無災疫，故百姓不議。）

少間

公曰：「今日少間，我請言情於子。」

子愀然變色，遷席而辭曰：「君不可以言情於臣，臣請言情於君，君則不可。」